



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 05/6-50-13-241-19-3/12

Сарајево/Сарајево, 26.1.2012.

Z A P I S N I K

19. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine

(u daljnjem tekstu: Nezavisna komisija),

održane 26.1.2012., s početkom u 10 sati

PRISUTNI ČLANOVI NEZAVISNE KOMISIJE: Mile Lasić, Semiha Borovac, Milana Škipina, Damir Čačković i Predrag Crnogorac.

OSTALI PRISUTNI: Privremeni sekretar Nezavisne komisije Eldina Smailagić.

Sjednicu je otvorio i njome predsjedavao predsjednik Nezavisne komisije Mile Lasić.

Za sjednicu je predložen sljedeći

D N E V N I R E D

1. Usvajanje Zapisnika sa 18. sjednice Nezavisne komisije;
2. Izvještaj o radu Nezavisne komisije za 2011.godinu;
3. Plan aktivnosti Nezavisne komisije u 2012.godini;
4. Zahtjev za dostavu izvještaja o posjeti od 12.12.2011.godine (advokat M. R.);
5. Tekuća pitanja:
 - Odluka Zajedničke komisije za administrativne poslove od 22.12.2011.godine;
 - Obavještenje Zajedničkog kolegija oba doma Parlamentarne skupštine BiH od 23.12.2011.godine;

Ad.1. Usvajanje Zapisnika 18. sjednice Nezavisne komisije

Zapisnik 18. sjednice Nezavisne komisije usvojen je jednoglasno s tim se u tački 1. Zapisnika u zadnjem pasusu ispravi da je Nezavisna komisija usvojila Izvještaj o radu povodom Predstavke zatvorenika br. 05/6-50-17-873/11, od 18.8.2011. iz KPZ-a Foča te da se izdvojeno mišljenje nalazi u prilogu ovog izvještaja.

Ad.2 Izvještaj o radu Nezavisne komisije za 2011.godinu

Prema nacrtu izvještaja koji je članovima Nezavisne komisije dostavljen, dogovoreno je da svaki član za narednu sjednicu pripremi Izvještaj o radu Nezavisne komisije za 2011.godinu.

Ad.3 Plan aktivnosti Nezavisne komisije u 2012.godini

Vezano za predmetnu tačku dnevnog reda predsjednik Nezavisne komisije je istakao potrebu da se u narednom periodu treba realizovati ranije odgođena posjeta KPZ-u Mostar i KPZ-u Trebinje. Članovi Nezavisne komisije su postigli dogovor da posjeta KPZ-u Mostar planira za 9.2.2012.godine.

Kako bi mogla nesmetano raditi i vršiti svoju nadležnost u 2012.godini, Nezavisna komisija jednoglasno je donijela sljedeći

ZAKLJUČAK

Zajedničkom Kolegiju oba doma Parlamentarne skupštine BiH uputiti dopis kojim će se tražiti donošenje generalne odluke o putovanjima Nezavisne komisije radi posjeta kazneno-popravnim zavodima na teritoriji Bosne i Hercegovine, bez donošenja posebnih odluka za svako službeno putovanje.

U okviru ove tačke dnevnog reda, Nezavisna komisija jednoglasno je donijela sljedeći

ZAKLJUČAK

Ministarstvu pravde BiH uputiti dopis kojim će se tražiti dostavljanje ažuriranog popisa osuđenih i pritvorenih koje je osudio odnosno mjeru pritvora odredio Sud BiH.

Ad.4. Zahtjev za dostavu izvještaja o posjeti od 12.12.2011.godine (advokat M. R.);

U vezi sa predmetnom tačkom dnevnog reda za riječ se javila član Nezavisne komisije Milana Škipina koja je prisutne podsjetila da je Nezavisna komisija prilikom posjete Pritvorskoj jedinici na državnom nivou od strane nadležnog ljekara obaviještena da jedan pritvorenik ima dijagnozu šizofrenije. Ona je dalje istakla da u skladu sa ZIKS-om Nezavisna komisija nema obavezu dostavljanja izvještaja advokatu pritvorene osobe ali i da se navodi te osobe ne mogu zanemariti.

Nakon kraće diskusije, Nezavisna komisija jednoglasno je donijela sljedeći

ZAKLJUČAK

Upravi Pritvorske jedinice na državnom nivou uputiti dopis kojim će se tražiti dostavljanje informacija o svim preduzetima aktivnostima u vezi sa pritvorenikom kao i aktivnostima vezanim za preporuku koju je Nezavisna komisija dala u svom Izvještaju o posjeti Pritvorskoj jedinici na državnom nivou.

Ad.5. Tekuća pitanja

Nezavisna komisija je primila na znanje Odluku Zajedničke komisije za administrativne poslove od 22.12.2011. godine kojom je odbijen zahtjev za izmjenu odluke Zajedničke komisije za administrativne poslove Parlamentarne skupštine BiH broj: 03/05-50-1-11-37,9/10, od 21.10.2010. godine a koja se odnosi na pravo na naknadu troškova prevoza za dva člana Nezavisne komisije.

Nezavisna komisija je primila na znanje i Obavještenje Zajedničkog kolegija oba doma Parlamentarne skupštine BiH od 23.12.2011. godine kojim se obavještava da zbog nedostatka finansijskih sredstava Zajednički Kolegij oba doma Parlamentarne skupštine BiH nije donio odluku o posjeti Nezavisne komisije KPZ-u Mostar i KPZ-u Trebinje.

U okviru ove tačke dnevnog reda, član Nezavisne komisije Milana Škipina je ponovo postavila pitanje na koji način povećati naknadu za člana Nezavisne komisije Damira Čačkovića koji je u prošloj godini za svaku posjetu Nezavisne komisije uradio nacrt zapisnika i izvještaja o posjeti. Predsjednik Nezavisne komisije je na ovo pitanje odgovorio da će član Nezavisne komisije Damir Čačković biti u narednom periodu rasterećen poslovima koje je do sada obavljao jer neće ići u posjetu KPZ-u Tuzla i KPZ-u Banja Luka ali da pitanje vezano za povećanje naknade zbog ranije obavljenih poslova i dalje ostaje otvoreno.

Predsjednik Nezavisne komisije Mile Lasić zaključio je sjednicu u 13,30 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić